

Хуррият БОБОНАЗАРОВА

**МУҲАББАТ
НАШИДАСИ**

(Шеърлар)

«ANDIJON NASHRIYOT-MATBAА»

очиқ акциядорлик жамияти

2005

84(59)6-5

Бобоназарова, Хуррият.

Муҳаббат нашидаси. Шеърлар. - Андижон. «ANDIJON
NASHRIYOT-MATBAA» OAJ. 2005 йил. 36 бет.

Андижон вилояти-
нинг З.М. Бобур
номли кутубхонаси

84 (5-Ўз)

Б-72

© Х.Бобоназарова. 2005
© «ANDIJON NASHRIYOT-
MATBAA» OAJ. 2005

2005 2693	Alisher Navoiy nomidagi O'zbekiston M.
--------------	--

W

СЎЗ БОШИ

Хуррият Бобоназарова бу ёруғ оламнинг ранглари, жиллоларини қалб кўзи, кўнгил уфқлари орқали тасаввур этади ва шеърларига муҳрлайди. Унинг шеърий олами кенг, беғубор: эзгулик, меҳру оқибат, садоқат, одамийликнинг синоатлари, яхшилиқ боғларини тараннум этади. Шеъриятда баркамолликка етиш осон эмас. Бунинг учун истак-хоҳишнинг ўзи етмайди.



Аввало, худо берган истеъдод бўлиши керак, қолаверса, чинакам шеър, газал, чуқур билим, тинмай изланишлар ҳамда тафаккур ҳосиласи эканини унутмаслик керак. Шоира орзуга етмоқ учун айни шу йўлдан бориши керак. Уйлаймизки, нозик дидли китобхонни бу китоб бефарқ қолдирмайди.

Охунжон ҲАКИМОВ

МУҲАББАТ НАШИДАСИ

Менга сирли боқдинг, аввало,
Хаёлимни олиб маҳлиқо,
Билиб қўйгин буни, дилрабо,
Хўп этибсан ўзингга шайдо.

Тун - кечалар этиб беором,
Муҳаббатга бердириб салом,
Юрагимда илоҳий калом,
Хўп этибсан ўзингга шайдо.

Мағрур эдим, эгибсан бошим,
Ногоҳ тўқдинг кўзимдан ёшим,
Сенсан жоним, қалбим, қуёшим,
Хўп этибсан ўзингга шайдо.

Муҳаббатим - менинг дилдошим,
Дўст вафодор, содиқ сирдошим,
Бўлгин, дейман, менинг йўлдошим,
Хўп этибсан ўзингга шайдо.

Ишқ ёндирди юракни ногоҳ,
Муҳаббатдан излайман паноҳ,
Бўлгин, дейман, ишқимдан огоҳ,
Хўп этибсан ўзингга шайдо.

АЁЛ ҚАЛБИ

Ошиқларга айтувчи бир сўзим бор:
Аёл учун кўнглим менинг жоннисор,
Аёлнинг қалбида яшар муҳаббат,
У сизга севиқли, садоқатли ёр,

Юрагида унинг умидлари бор,
Ҳақиқий меҳрга кўнгли интизор,
Жонига жонингиз айлангиз нисор,
Аёлнинг қалбига айламанг озор.

Хушомад илкила олманг кўнглини,
Алдов ханжарила ўйиб дилини,
Сўндирманг ҳаётнинг нафис гулини,
Аёлнинг қалбига айламанг озор.

Гулгун ҳаётини этмангиз бебахт,
Мадҳини куйламиш бу кун Ҳуррият,
Ҳамроҳингиз бўлсин доим муҳаббат,
Аёлнинг қалбига айламанг озор.

АЛЛА

Нурли, нурли қароғим,
Дил ёритган чироғим,
Юрак сўрар сўроғим,
Алла, жоним, алла,
Ширин жоним, алла.

Сен яшнаган бўстоним,
Диллардаги дostonим,

Бу жонимга дармоним,
Алла, жоним, алла,
Ширин жоним, алла.

Дил ёритган юлдузим,
Сени кўрар бу кўзим,
Дилга жойлансин сўзим,
Алла, жоним, алла,
Ширин жоним, алла.

ЁРГА САДОҚАТ

Кўрмасанг ёрдин вафо, ўзгани сен ёр дема,
Бу ҳаёт бўстонида бисёрдир дилдор дема,
Ҳар кишига очма сен ўз сири асрорингни,
Бўлғай вафодор дема, сен уни гулзор дема.

Магар ёрнинг ҳажрида бўлса юрагинг чок-чок,
Номард сўзин сўзлама, бўлдим хўб абгор дема,
Ҳақиқий ошиқ эрсанг, жафосига бардош эт,
Сабр айлагин Ҳуррият, битди қарор дема.

ВАҲ НЕ БАЛО ЭРДИ ИШҚ

Ваҳ не бало эрди ишқ, бизни ҳайрон
айлади,
Ишқ эмаски не ажаб тиғи мужгон
айлади.
Кўкдин пайдо бўлди ё, ердаму ё,
билолмам,
Ўзини англамайин кўзни гирён
айлади.

Ҳеч қачон қўймайди бандасин хорлаб,
Кўнглимни бир Ҳақу тушунар онам.

Умид-ла узатсам сизга қўлимни,
Ёшламанг сиз менинг мурғак дилимни,
Ҳаммага етади асли бу дунё,
Жигарим, тиламанг менга ўлимни.
Кўнглимни Ҳақ билан тушунар онам.

Сўзлардан қақшади юракларим-ей.
Парчаланиб кетди сўнгакларим-ей,
Сизга ҳам омонлик берсин худоим,
Боғимда сен гулу райҳон эдинг-эй,
Жойингни жаннатдан қилсин худоим.

ЖОНОНИМ МЕНИНГ

Гулгун юзини кўргузиб келса жононим менинг,
Дарду ғамни ўлдуриб жонга дармоним менинг.
Ғам била тўлди юрак, очмам сиримни ўзгага,
Етса бас маҳбубима оҳу авғоним менинг.

Беҳишт аро нур сочиб ойдек юзидин дилбарим,
Кел қошима гул сочиб моҳитабоним менинг.
Андоғ гулни изладим, топмадим ҳеч чамандан,
Ҳар фаслда очилур гулу хандоним менинг.

Қатра-қатра бол томур сўзлаганда маҳвашим,
Андоқ тилнинг ёнида унсиз забоним менинг.
Чорладимки хастамен, кел қошима, эй санам,
Ушбу дардға йўқ эрур ўзга дармоним менинг.

Дунёда танҳо эурсан сарву қадли лобарим,
Ул қадингки беқиёс, руҳи равоним менинг.
Фунча ҳолимни кўрсун, забун эрур оҳ нечун,
Лаъли лабини кўриб лаъли бадахшоним менинг.

Ул паривашни севиб, қилмадим хато дерман,
Магар етсам васлига, йўқдур армоним менинг.
Ёридан бўлмоқ жудо эрмас яхшининг иши,
Хуррият, ишқ йўлида садқадур жоним менинг.

ИЛТИЖО

Уйимизда, бегим, ўчмасин чироқ,
Болаларим ҳаргиз чекмасин фироқ,
Ўзгалар ўрнимни боса олмайди,
Ўз бағрига мени яширди тупроқ,
Сиз мени унутманг, илтимос, бегим.

Қўлингиз силади ғариб бошини,
Ёшингиз ювади қабр тошимни,
Кечиринг, уйингиз фариштаси йўқ,
Ажал заҳарласа нетай ошимни.
Сиз мени унутманг, илтимос, бегим.

Чамандан ўзга гул уза кўрмангиз,
Ўзга гулбоғларни кеза кўрмангиз,
Онам, деб айтолмас ўзгани фарзанд,
Юракни икки бор безай кўрмангиз,
Сиз мени унутманг, илтимос, бегим.

КЕЛИНЧАК АРМОНИ

Сенга эдим маъсум келинчак,
Тебратгандим энди беланчак.
Ажалнинг қўлида нобуд бўлдиму
Муҳаббат ҳадяси яшнаган чечак,
Қаро ер бағрида ётган севгилим,

Юракни ўртайди туганмас нолам,
Не учун бағримни ёқмасин алам,
Мен қандай фироққа кўндирай ахир,
Отасини сўраб йиғласа болам,
Қаро ер бағрида ётган севгилим.

Тонг отиб улгурмай, юлдузим,
сўндинг,
Жаннатлар бағрига балки сен
кўндинг,
Руҳингни жонимда асраб юраман,
Қабримда бойчечак мисоли ундинг,
Қаро ер бағрида ётган севгилим.

Бир зулмат эгаллаб олди уйингни,
Қарғалар чаларму булбул куйингни.
Юрагим ўртаниб боргани сари,
Соғиниб боряпман зебо бўйингни,
Қаро ер бағрида ётган севгилим.

Ўрнингни босолмас ота ё онанг,
Таскинлар берса ҳам дўсту, бегонанг,
Яратган Оллоҳга топширдим сени,
Ўзи бўлсин сенинг ҳамдард, ҳамхонанг,
Қаро ер бағрида ётган севгилим.

Гул нишида кулди ул гарчи нолон,
айланай.
Қадам ранжида айлаб юрсанг
чўллар сайр этиб,
Кўз очиб юммай бурун ул бир бўстон,
айланай.
Келса ханжар бошима ўз ишқимга
иқрормен,
Ҳар недин ҳам бебаҳо ишқ бегумон,
айланай.
Эй Хуррият, кўзласанг ёрнинг васлини
агар,
Қилмагил беҳудага оҳу фиғон,
айланай.

НОМАРДГА ЖАВОБ

Юрагимни асир этдинг ой,
Сенда бордур назокат, чирой,
Юрак эмас ахир қотган лой,
Алдовни хуш кўрмайман, аммо
Номардга бош эгмайман асло,

Мисли ипак бўлиб мулойим,
Дейсиз аста, гўзал гулойим,
Бандасиман холиқ, худойим,
Алдовни хуш кўрмайман, аммо
Номардга бош эгмайман асло,

Ишқинг билан тунларим бедор,
Ёлғон сўзлар юраклар маккор,
Хуррият дер, қалбида озор:
Алдовни хуш кўрмайман, аммо
Номардга бош эгмайман асло.

ОНА МАДҲИЯСИ

Онажон, сизсиз фақат-
Йўлимда зорим менинг,
Мадҳингиз куйлаб энди
Сайрасин торим менинг,
Узоқ юрсам сафарларда,
Мени кутгай саҳарларда,
Тунлари бемаҳалларда,
Хўп интизорим менинг.

ҲАҚҚА ОШИҚЛИК

Эй, санам, жабр айлама,
сендан дунёлар истамам,
Ишқимни рад айлама,
дилраболар истамам,
Ўзганинг меҳрин эмас, сенинг
жабринг тортайин,
Кечмагайман зарра сендан,
меҳри дарёлар истамам,
Гар ошиқлар сочсалар
бошим узра олтину зар,
Севмагайман мен аларни,
заррин матолар истамам.
Бу беш кунлик дунёсида
дардмандга этмам озор,
Дилозорликдин ўзимга
юз минг жафолар истамам.
Этса ҳамки бу жоним
танамни тарк,
Шул дами ҳам бандаман,
юз минг худолар истамам,

Эй, Хуррият, йиглама, бу оламда
йўқ рафиқ,
Оллоҳ, Оллоҳ, сендин ўзга
ошинолар истамам.

МУҲРИДДИН ХОЛИҚОВ ХОТИРАСИГА

Айрилиқдан ёнади бу дил,
Бўстонимдан учди бир булбул,
Булбулнинг ҳажрида йиглайди кўнгил,
Бу дунёдин кетди Муҳриддин,
Биз лол эдик қўшиқ сеҳридин.

Хуррият қоғозга тўкади ғамин,
Шеърида намоён ҳасрат, алами,
Азизлар ёди деб чарчамайди у,
Яна қўлга олур нурли қаламин.
Бу дунёдин кетди Муҳриддин,
Биз лол эдик қўшиқ сеҳридин.

ЎЗ ҲОЛИМГА ҚЎЙИБ БЕРСАНГ БАС

Тун чоғида сурсам гар хаёл,
Сўрма мендан бу дам ҳеч савол,
Хаёлларим айлама малол,
Ўз ҳолимга қўйиб берсанг бас.

Ногоҳ сирим айтсам япроққа,
Хаёл билан учмас йироққа,
Тилим лолдур, қўйма сўроққа,
Ўз ҳолимга қўйиб берсанг бас.

Хаёл орзум айлар муҳайё,
Кўз олдимда ястанур саҳро,
Сирлашганда мен билан дунё,
Ўз ҳолимга қўйиб берсанг бас.

Оқшом чоғи йиғлаб қолсам гар,
Бағрим ёқиб тиглаб қолсам гар,
Ширин хаёл йўқлаб қолса гар,
Ўз ҳолимга қўйиб берсанг бас.

Булбул билан айласам наво,
Неларнидур айлаб илтижо,
Истасанг де, бу телбанамо,
Ўз ҳолимга қўйиб берсанг бас.

Юрагимга солдинг муҳаббат,
Ишқи учун яшар Ҳуррият,
Ширин хаёл сурганда фақат
Ўз ҳолимга қўйиб берсанг бас.

ҲУРРИЯТИНГМАН

Юлдуз ҳам эмасман, кўкдаги Зухро,
Гарчи йўқдур давлатим, дунём,
Ишқинг билан яшайман танҳо,
Яхши ёр, дилдошинг - Ҳурриятингман,
Вафодор, сирдошинг - Ҳурриятингман.

Бу дунё беш кунлик азизим ишон,
Гўёки синовга яралур инсон,
Кетгусидур бундан яхшию-ёмон,
Яхши ёр, дилдошинг - Ҳурриятингман,
Вафодор, сирдошинг - Ҳурриятингман.

Ишқинг осмонида ҳилолинг бўлай,
Қалб ғуборинг ювган зилолинг бўлай,
Вужудинг қамраган хаёлинг бўлай,
Яхши ёр, дилдошинг - Ҳурриятингман,
Вафодор, сирдошинг - Ҳурриятингман.

Ширин сўзларингнинг адоси менман,
Қаро кўзларингнинг гадоси менман,
Демоққа ҳақлисан, азизим, ишон,
Яхши ёр, дилдошинг - Ҳурриятингман,
Вафодор, сирдошинг - Ҳурриятингман.

АРМОН БИЛАН

Хаёл чўлғаб эгилган бошим,
Ўн олтига етибди ёшим,
Кўзларимда шашқатор ёшим,
Дил ёнар ҳижрон билан.

Ишончим қолмади дунёга,
Очмам сиримни ҳеч ошнога,
Етса бас оҳим ёлғиз худога,
Ишим йўқ инсон билан.

Бу оламда йўқдур дилдошим,
Лекин номард эголмас бошим,
Кўкда ою қуёш сирдошим,
Сирлашурман осмон билан.

Номардларга жонона бўлмам,
Ҳеч кўнглига парвона бўлмам,
Бевафога девона бўлмам,
Дил яшар виждон билан.

Йиғлатма сен Хурриятингни,
Оқлайин чин муҳаббатингни,
Ҳеч кўрмайин хиёнатингни,
Қалб ёнар армон билан.

ФАҚАТ СЕН АСРАГИЛ МУҲАББАТИМНИ

Ишқ боғига қадам қўйдирдим ўзим,
Ўшал ёрни сенга суйдирдим ўзим,
Ишқ оловида дилинг куйдирдим ўзим,
Фақат сен асрагин муҳаббатимни.

Уни булбул, сени гулзор айлағум,
Ишқинг бирлан тунлар бедор айлағум,
Жонига жонингни нисор айлағум,
Фақат сен асрагин муҳаббатимни.

Яратдим мен ўзим икки дунёни,
Сени асир этган ўшал барнони,
Ишқ учун фарқи йўқ шоҳу гадони,
Фақат сен асрагин муҳаббатимни.

Дилингни ёритган қуёшинг бўлай,
Англадим сириггни, сирдошинг бўлай,
Яшнаймак қалбингда, қалбдошинг бўлай,
Фақат сен асрагил муҳаббатимни.

АЗИЗИМ

Бу хонликнинг тахти ҳам,
Номардларнинг аҳди ҳам,
Инсон умри вақти ҳам,
Бари ёлғон, азизим.

Қулоқ беринг садога,
Учманг кибру ҳавога,
Юлдуз бўлманг самога,
Осмон баланд, азизим.

Кетолмайсиз йироққа,
Тақдир қўйса сўроққа,
Бош қўяди тупроққа
Яхши – ёмон, азизим.

Меҳмондурмиз дунёга,
Ёлғон ёруғ зиёга,
Тавба қилур худога
Ҳамма инсон, азизим.

Сайр айласам гулшанда,
Булбулим Сиз чаманда,
Ёнур дилим гулханда,
Дилда ҳижрон, азизим.

Кетманг мендан йироққа,
Нур бўлинг сиз қароққа,
Ташласангиз фироққа,
Ўти ёмон, азизим.

Қўлга олай созимни,
Куйлай Сизга розимни,

Тингланг ушбу сўзимни,
Қилманг армон, азизим.

Севгим Сизга чин дилдан,
Жой берайин кўнгилдан,
Ҳамма ўтар бу йўлдан,
Бўлиб карвон, азизим.

Бўлсам Сизга интизор,
Ўтса тунларим бедор,
Кутган-ла битмас қарор,
Ишқ бегумон, азизим.

Ҳуррият дилдор бўлмас,
Бевафога ёр бўлмас,
Тангри бор, ночор бўлмас,
У меҳрибон, азизим.

СОҒИНЧ ҚЎШИҒИ

Ошиғингман, эй дилбар,
Осмонимда сен ҳулкар,
Дардим айтсам, эй лобар,
Сени соғиндим раъно.

Сен яшнаган бўстоним,
Ширин бўйли райҳоним,
Бу жонимга дармоним,
Сени соғиндим раъно.

Ишқдан қалбим мусаффо,
Сендир дардимга даво,

Бўлгин энди ошино,
Сени соғиндим раъно.

Кўнглим соғинч маъвода,
Ишқим сендай барнога,
Раҳм қилгил шайдога,
Сени соғиндим раъно.

* * *

Кел ёнимга, гўзал, кўзлари хумор,
Сен бор ерда мангу яшилдир баҳор,
Кутай майли бесар тунлари бедор
Сени соғиндим, дилдор.

Ўхурийят, дилингни нимталар фиरोқ,
Ва лекин юрмагин ишқингдан йироқ,
Бир куни нурларга тўлгуси қароқ,
Сени соғиндим, дилдор.

ХАЁЛ СУРСАМ, БУЗМАГИЛ АСЛО

Ишқ осмонин тўлдирса ҳилол,
Қалбим недан топганда завол,
Сўрма мендан бу дамда савол,
Хаёл сурсам, бузмагил асло.

Керак эмас давлату дунё,
Мен чиндан-да ошиқу шайдо,
Хаёлинг-ла юрибман танҳо,
Хаёл сурсам, бузмагил асло.

Илисин нурингдан юрагим, қуёш,
Оламлар аксидур кўзимдаги ёш,
Фақат сен тушунгин, бўлма бағритош,
Хаёл сурсам, бузмагил асло.

Дилда қанча истагу мурод,
Ҳеч кимдан мен топмадим нажот,
Хаёл сурсанг телба, дер ҳайҳот,
Хаёл сурсам, бузмагил асло.

Тақдир менга айлади жафо,
Кимларгадир қилди у вафо,
Сендан топгум дардимга даво,
Хаёл сурсам, бузмагил асло.

Тақдир бизни ҳайрон қилмасин,
Дилимизни вайрон қилмасин,
Муҳаббатда сарсон қилмасин,
Хаёл сурсам, бузмагил асло.

Гоҳ тунларни ўтказсам бедор,
Қўнмасин дилингга шубҳа ва ғубор,
Ҳуррият севгиси ўзингга ошкор,
Хаёл сурсам, бузмагил асло.

ШИФОКОРГА

Сизни кўриб ҳайратда дунё,
Кўнгилларга бергайсиз зиё,
Доим қўллар сизларни худо,
Минг ташаккур, азиз шифокор.

Бағримизни тирнаса армон,
Сиз бўлгайсиз жонларга дармон,
Номи улуғ ҳазрати инсон,
Минг ташаккур, азиз шифокор.

Сиз бор ерда мангудир баҳор,
Қалбимизга қўнмагай губор,
Қўлингиз дард кўрмасин зинҳор,
Минг ташаккур, азиз шифокор.

Меҳрингиздир мисоли қуёш,
Даркор бўлса, бўлгайсиз сирдош,
Дўстимизсиз, ҳақиқий дилдош,
Минг ташаккур, азиз шифокор.

Сўзингиздан томади новвот,
Сиз мўъжиза, сизда бор нажот,
Сиз биландир энг бахтли ҳаёт,
Минг ташаккур, азиз шифокор.

СЕНГА ҲАМ ОМОНЛИК ТИЛАЙМАН, ҒАНИМ

Ит каби шарпасиз пойлама изим,
Ғийбатни қўятур, эшитгин сўзим,
Кўзингга жовдираб турибди кўзим,
Сенга ҳам омонлик тилайман, ғаним.

Ярадор кўксимга тошлар отмагин,
Қалбимда мангуга музлаб қотмагин,
Устимдан кулмагин, қаҳ-қаҳ отмагин,
Сенга ҳам омонлик тилайман, ғаним.

Ҳасаддан дардинга топмайин чора,
Чопладинг оламнинг юзига қора,
Сенга ҳам бир эрмак топилса зора,
Сенга ҳам омонлик тилайман, ғаним.

Тақдир бу бошимга солганда кулфат,
Билинди ёлғондан эканинг улфат,
Қарғамоққа сени топмадим журъат,
Сенга ҳам омонлик тилайман, ғаним.

Дўсти бой бўлса гар, ўпиб оёғин,
Камбағални ўйиб дилу қароғин,
Унутмагин ҳаргиз тангри сўроғин,
Сенга ҳам омонлик тилайман, ғаним.

Муғомбир юзинга берасан пардоз,
Тилингни учида қиласан эъзоз,
Йироқ юр, дейдилар Охунжон устоз,
Сенга ҳам омонлик тилайман, ғаним.

Шижоат қўшилиб оқади қонда,
Йиғлатмоқ бўласан, қолгин армонда,
Ҳозирча яшайсан енгил давронда,
Сенга ҳам омонлик тилайман, ғаним.

МАРСИЯ

Чиндан ёлғон экан бу дунё,
Жонни тандан қиларкан жудо,
Юрагимни ўяр бу нидо,
Қайлардасиз, устоз Муҳаммад?

Ҳар сўзида бор эди жоду,
Кўрмоқ эди мен учун орзу,
Қалбимизда яшайсиз мангу,
Қайлардасиз, устоз Муҳаммад?

Қиёсингиз топдим булбулдан,
Қайғу-алам жой олди дилдан,
Орзум - юрмоқ сиз юрган йўлдан,
Қайлардасиз, устоз Муҳаммад?

Юракка босдим ажал муҳрини,
Болалар қўмсайди ота меҳрини,
Ўлганда биламиз инсон қадрини,
Қайлардасиз, устоз Муҳаммад?

Гулларга ўралсин унинг мозори,
Оҳ, бунча қаттиқдур тақдир озори,
Йиғлаб қолди зор-зор дилдори,
Қайлардасиз, устоз Муҳаммад?

Бунда ҳеч ким бўлолмади шоҳ,
Барча кетар, бўлингиз огоҳ,
Кўкдан юлдуз қулади ногоҳ,
Қайлардасиз, устоз Муҳаммад?

Одамнинг ичидан чиқаркан ола,
Сўзимни тушунмоқ сизга ҳавола,
Баҳори кетмасдан сўнибди лола,
Қайлардасиз, устоз Муҳаммад?

Оташда ёндику азобланиб жон,
Мунгли йиғлаб турар Андижон,
Қайларга кетди-я ўшал мард ўғлон,
Қайлардасиз, устоз Муҳаммад?

Дилларни ёндирар оху-фиғоним,
Булутлар қоплаган қора осмоним,
Руҳи-ла биргадур руҳи равоним,
Қайлардасиз, устоз Муҳаммад?

Жон билан қўшилиб тўкилди тилак,
Ва лекин рақиблар бузмади пинак,
Уришдан тўхтади оташин юрак,
Қайлардасиз, устоз Муҳаммад?

Оллоҳдан ўзимга сўрайман сабр,
Ҳеч кимга вафолар қилмайди умр,
Ердасиз, қалбимда сиз ётган қабр,
Қайлардасиз, устоз Муҳаммад?

Елларга сўзладим кўнглимнинг розин,
Шеърини соғиниб йиғлайди созим,
Хуррият ёд олар азиз устозин,
Қайлардасиз, устоз Муҳаммад?

ЖОНИМ ФИДО БЎЛМАСМИДИ?!

Андалиб гул ҳуснини кўргач шайдо
бўлмасмиди,
Кўнгил севмас эрса гар сендан жудо
бўлмасмиди?!
Хуш қаддин нусха олмиш ушбу
чаман гуллари,
Ул бўлмаса сарвлар бунча зебо
бўлмасмиди?!
Гулни кўркам дея, камситмангиз
райҳонни ҳеч,

Бўй сочмаса чаманга, гуллар аро
бўлмасмиди?!
Кўнгилки ошнолиғ истади ул
маҳваш ила,
Келар бўлса қошима, жоним фидо
бўлмасмиди?!
Гулгун лабига рашк этиб ёнди
атиргул оҳ нечун,
Ёр ҳуснидин бермаса ул ҳам пайдо
бўлмасмиди?!
Ўз кўнглингни шоҳисан, билсанг,
Хуррият, сен мудом,
Ишқ дебон тахтни ташлаб шоҳлар
гадо бўлмасмиди?!

* * *

Қалби тошдек музлаган аёл...
Бошгинамда айланиб хаёл,
Юракни ёндираб бир савол.
Шунчалар қаҳрли бўларми она?!

Куймас фарзанд деб зарра жони,
Аксидур, турткилаб тўкади қонин,
Эркалаб едирмай бир бурда нонни,
Шунчалар қаҳрли бўларми она?!

Ўзга бир тақдирни қилади орзу,
Бойлик деган сўз қилибди жоду,
Аслида буларнинг барчаси оғу,
Шунчалар қаҳрли бўларми она?!

Бошин силар балки қариндош,
Ота унга бўлади сирдош,

Ёмонликка бўлибди йўлдош,
Шунчалар қаҳрли бўларми она?!

Жазоламанг, ҳазрати инсон,
Гар кўксини тирнаса армон,
Фойдасиз ва лек сўнгги пушаймон,
Шунчалар қаҳрли бўларми она?!

Ташлаб кетиб мунис ёрини,
Сотиб номус иффат, орини,
Тиллаларга алишди наҳот,
Бутун бахти, умид борини,
Шунчалар қаҳрли бўларми она?!

Ҳамиша булутли бўлмайди осмон,
Борлиқни офтоб айлар чароғон,
Хуррият, бой бўлма, йўқотма виждон,
Шунчалар қаҳрли бўларми она?!

ЗАҲИРИДДИН МУҲАММАД БОБУРГА

Ул паривашдин яна

Неча зуғум чекди кўнгул ул
паривашдин яна,
Жудолиқ топди бу дил ишқда
йўлдошдин яна,
Куйида оворамен ўртанур дил
фироқида,
Бир тараҳҳум кўрмадим
ул қалам қошдин яна.
Мужгон ўқини отдию кўксимни
абгор этиб,

ОТА МАДҲИЯСИ

Сиз отаю мушфиқ зоримсиз,
Менинг толмас мададкоримсиз,
Номус ила умид оримсиз,
Омон бўлинг, отажон.

Номард эгмай ўтди бошингиз,
Бир асрга етсин ёшингиз.
Биз оқлайлик ҳалол ошингиз,
Омон бўлинг, отажон.

Болам бўл, деб, қалби мусаффо,
Сўзин дилда сақлар доимо.
Яхшиликлар бўлмагай адо,
Омон бўлинг, отажон.

Кутма, дейсиз, ҳар кимдан вафо,
Бу сўзларда бир олам маъно,
Ҳуррият тилидаги муддао,
Омон бўлинг, отажон.

ГҲДАК НОЛАСИ

Икки ёшга тўлганда,
Меҳрга зор бўлганда.
Отажоним уйланди,
Онажоним ўлганда.

Миннатсиз емадим бурда нонимни,
Қалтаклаб эздилар мурғак жонимни.
Ҳеч кимни ўзидан қолдирма худо,
Билмайман йиғисиз ўтган онимни.

Ғам билан ўтибди болалик чоғи,
Юракдан кетмайди аламлар доғи.
Ҳеч бир ниҳол хазон бўлмасин,
Парваришсиз қолганда боғи.

Менга ҳам бахт берибди ҳаёт,
Ўғил, қизим ўзимга қанот.
Сабр берган эгамга шукр,
Шу кунларни кўрибман наҳот.

Оналар ҳамиша бўлсинлар омон,
Гўдақлар ранглари бўлмасин сомон.
Онанинг ўрнини босолмас ҳеч ким,
Биров қўлида хор бўлиши ёмон.

ОНАМ СИРДОШИМ

Шоҳи рўмол бошимда,
Қайғулар кўз ёшимда,
Парвонасиз, онажон,
Кеча-кундуз қошимда.

Ёниб турар кўзингиз,
Гулдан гўзал юзингиз,
Ардоқлаб ўстирдингиз,
Онажоним ўзингиз.

Сиздир бахтим чироғи,
Кўзларимнинг қароғи,
Тонгдек равшан кўзингиз,
Сўзингиз иш яроғи.

Гўзал сиз-ла ҳаётим,
Учар бўлсам қанотим,

Дўстим сирим сотганда,
Ёлғизгина нажотим.

ТУҒИЛГАН КУНИНГИЗ МУБОРАК, ОНА!

Номингиз куйласам, кулади дунё,
Гулзорга айланур оловли саҳро,
Сизга шундай қудрат бергандур худо,
Туғилган кунингиз муборак, Она!

Меҳрингиз гулидир очилган лола,
Шу меҳр-ла куйлаб айтдингиз алла,
Эй фарзанд, онангнинг бахтини куйла,
Туғилган кунингиз муборак, Она.

Бизни деб кечалар ўтказиб бедор,
Зум кетсам йўлларга боқиб интизор,
Мадҳингиз куйлайин такрор ва такрор,
Туғилган кунингиз муборак, Она!

Фарзандга танингиз қилиб сиз фидо,
Бағрингиз кенг эрур мисли бир дарё,
Меҳрингиздан абад бўлмайлик жудо,
Туғилган кунингиз муборак, Она!

Номингиз куйласам таралур зиё,
Пойингизга чўккай шоҳ ила гадо,
Онандур Ҳуррият, вафодор танҳо,
Туғилган кунингиз муборак, Она!

МАРСИЯ

(*Охунжон Мадалиевга*)

Қоши қаро, қадди ниҳолдан,
Ишққа содиқ ошуфта дилдан,
Қўшиқлари қалбга маталдан,
Охунжондан айрилди халқим,
Бир қаноти қайрилди халқим.

Хуш сўзлари ақлли, доно
Алдовни хуш кўрмасди асло,
Қайда бу кун ул азиз сиймо,
Охунжондан айрилди халқим,
Бир қаноти қайрилди халқим.

Сизни гулга ўрагим келар,
Сизни эслаб йиғлагим келар,
Сиздан нажот сўрагим келар,
Охунжондан айрилди халқим,
Бир қаноти қайрилди халқим.

Мундарижа

Муҳаббат нашидаси.....	4
Аёл қалби.....	5
Алла.....	5
Ёрга садоқат.....	6
Ваҳ не бало эрди ишқ.....	6
Осмонларга қиз бўл, Ҳуррият.....	7
Ёдингда тут.....	8
Менинг юрагим.....	8
Жононим менинг.....	9
Илтижо.....	10
Келинчак армони.....	11
Айланай.....	12
Номардга жавоб.....	14
Она мадҳияси.....	15
Ҳаққа ошиқлик.....	15
Муҳриддин Холиқов хотирасига.....	16
Ўз ҳолимга қўйиб берсанг бас.....	16
Ҳурриятингман.....	17
Армон билан.....	18
Фақат сен асрагил муҳаббатимни.....	19
Азизим.....	20
Соғинч қўшиғи.....	21
Хаёл сурсам, бузмагил асло.....	22
Шифокорга.....	23
Сенга ҳам омонлик тилайман, ғаним.....	24
Марсия.....	25
Жоним фидо бўлмасмиди?!	27
Заҳириддин Муҳаммад Бобурга.....	29
Кўрмасам.....	30
Ота мадҳияси.....	31
Гўдак ноласи.....	31
Онам сирдошим.....	32
Туғилган кунингиз муборак, она!	33
Марсия.....	34

Адабий-бадиий нашр

Хуррият Бобоназарова
«МУҲАББАТ НАШИДАСИ»
(Шеърлар)

Муҳаррир:
Техн. муҳаррир:
Мусахҳих:

Толиб Носир
Б. Каримова
Севара Эргашева

Теришга берилди 7.04.2005 йил. Босишга рухсат этилди 13.04.2005 йил.
Бичими 60x84/16. Ҳажми 2,25 шартли босма тобоқ. Адади 1035 нусха.
Буюртма № 720. Баҳоси келишилган нарҳда.

«Andijon nashriyot-matbaa» ОАЖ босмахонасида босилди.
Манзил: Андижон шаҳри, Навоий шоҳкўчаси, 71-уй.